


erakusketa

Helena Soteloren margolanak Tolosan dira ikusgai

Tolosako Aranburu jauregian, goiko solairuko erakusketa aretoan, Helena Soteloren Iglebiasen hogeita hamasei margolan zintzilikatu dituzte. Ez da ohikoa Soteloren lanak erakusketa batean ikustea; gutxitan hartzen du parte horrelakoetan. Izan ere, Sotelok ez du «margolaritzat» hartzen bere burua, «margotzea zaleta-

sun duen pertsonatzat» baizik. Haren lanetan, batez ere, gorputz jarrerak eta liburutegiko irudiak ikusten ahal dira. Soteloren lanak biltzen dituen katalogoari *La inmovilidad de las cosas* (Gauzen mugiezintasuna) izenburua paratu diote. Aranburu jauregian diren margolanak olio teknika erabiliz egin ditu Sotelok, oihal zein kartoi gainean. Erakusketa heldu den urteko urtarilaren 11 arte egonen da ikusgai.



Hondartza eta aulki zuriak, Helena Sotelok aurten egin dituen lanetako bat.

(haurrena), Lonbo aretoan.

AZPEITIA. 'Abentura korporala' ikastaroa. Urtarrilean hasita, hamabi saioko ikastaroa, astean behin. Pepa Bojo psikologoak emana. Interesa dutenek 943-157192 telefonora deitu behar dute urtarilaren 8a baino lehen.

DONOSTIA. 'Nola idatzi telebista gidoi bat' ikastaroa. Urtarrilaren 7tik otsailaren 27ra. Astean hiru orduko bi saio. 'Nola gauzatu ideia', 'Nola idatzi gidoia', 'Komunikabiderako hizkera' eta 'Gaur egungo telebistaren beharrak' gaiak landuko dituzte. Informazio gehiago, Pausoka Eskolako 943 297111 telefonoan eta www.pausoka-eskola.com webgunean.

LAUDIO. Txalaparta ikastaroa. Abenduaren 21ean, 17:00etan, gaztetxean. Dohainik.

SORALUZE. Salsa ikastaro trinkoa. Ostegunean, 21:30etik 22:30era, gaztetxean. Soraluzen bizi diren bi kubatarren eskutik.

erakusketak

BILBO. 'Umeen artea'. Abenduaren 20a arte, San Frantziskoko udal zentroan. Proyecto MUSEk antolatua.

DONOSTIA. VIII. Gabonetako Merkatua. 50 bat artisten lanak biltzen dituen erakusketa. Arteko galerian, urtarilaren 20a arte. **'Ehiztari handiak dira begiak'.** J. M. Zabalen argazkien erakusketa otsailaren 1a arte egonen da Koldo Mitxelena kulturunean.

ELGOIBAR. Gemma Monrealen margolanak. Urtea bukatu arte, erakusketa aretoan.

ERMUA. 'Afrika, umildutako kontinentea' erakusketa. Probalekua kaleko, 4bis -beheako lokalean egonen da ikusgai abenduaren 27a arte.

GOIZUETA. Kepa Pikabea presoaren margolanak. Abenduaren 22a arte, udaletxeko ganbaran.

HONDARRIBIA. Xanti Labeagaren egurrezko eskulturak. Abenduaren 22a arte, Zuloaga Etxean.

IRUÑEA. Txokolarie kolektiboaren artelanak. Abenduaren 29a arte, Lacava galerian.

bestelakoak

'Hiriaren bilakaera historikoa' bisita gidatuak euskaraz. Gaur eta bihar, Iruñean (18:00etan).

Iruñea euskaraz ezagutzeko bisitak

Asier Azpilikueta | **DONOSTIA**

Nafar Ateneoak antolatu dituen *Iruñea historian zehar* jardunaldien barnean, gaur eta bihar, bisita gidatuak egingen dituzte Iruñean, hiriaren historiaren eta monumentuen gaineko azalpenak bertatik bertara emateko. Bisitak Irantzu Solana artearen historian adituak gidatuko ditu.

Gaurko ibilaldia Iruñeko katedralaren atarian hasiko da, 18:00etan. Barnera sartu, eta arteari eta eraikitzeari buruzko esplikazioak emanen ditu Solanak, ordubetez. Gero, Alde Zaharreko karriketan barrena abiatuko dira, «monumentu eta eraikin erlijioso zein zibilak aztertze».

Nafarroako Museo ezezaguna

Irantzu Solanak EGUNKARIARI esplikatu dionez, biharko bisitan Nafarroako Museoan sartuko



LUIS AZANZA

Gaurko bisita gidatua katedralean hasiko da, 18:00etan.

dira. «Gure hiriko bertako monumentuak ezagutzen ez ditugunez, interesgarria irudituztzaidan Nafarroako Museoan sartzea», erran du Solanak. «Museo horretara, batez ere, Iruñekoak ez direnak joaten baitira. Bihar, iruindarrek aukera ederra izanen dute museoan erromatarren garaiko aztarna eta katedraleko arrasto erromani-koak ikusteko».

Museotik atera, eta Hezkuntza Departamenduko Pizkundeko klaustroa, San Agustin eliza, eta Karmeldarren komentua bisitatuko dituzte.

Solanak onartu du bisita lasterrak izanen direla, baina ahalik eta gauza gehien erakusten saiatuko da. «Kontuan hartu behar da bisitak gauez izanen direla, eta horrek ukitu berezia emanen die», gaineratu du.

Maiatzean, jardunaldien bigarren zatia egiterakoan, XVIII-XIX. mendeetako monumentuak eta eraikinak ezagutzeko bisita apailatuko du Solanak.

Adrian Ferreñoren margolanak. Pintzel galerian izanen dira urtea bukatu arte.

'Vacatu, cow-ads'. Tony Gradyren margolanak erakusketa. Curia kafetegian, urtea bukatu arte.

LEGAZPI. 'Hau herria, hau! Legazpiko historia iruditan (1989-1994)'. Josema Azpeitiaren komiki erakusketa. Urtarrilaren 26a arte, Bikuña jauregian.

LIZARRA. Pedro Osesen margolanak. Gustavo de Maeztu Museoan egonen dira ikusgai urtea bukatu arte.

TOLOSA. 'La inmovilidad de las cosas'. Helena Soteloren margolanak Aranburu jauregian egonen dira urtarilaren 11 arte.

ZALLA. 'Nolabaiteko arrakastak'. Gorka Velascoren

marrazkiak udal erakusketa aretoan izanen dira ikusgai abenduaren 22a arte eta abenduaren 26tik 29ra.

ZARAUZ. 'Munduari itzulia Madrilén'. Atsuko Arairen argazki erakusketa Photomuseumean egonen da urtarilaren 5a arte.

'Gunter Grass, marrazkiak eta idazkiak'. Urtarrilaren 12a arte, Sanz Enean.

lehiaketak

ARANTZA. Herriak eta Hizkuntzak literatur lehiaketa.

Lehiaketaren gaia «herriak eta hizkuntzak» da. Genero guztiak onartuko dira: olerkia, bertso-paperak, ipuina eta saiakera. Lanak euskarazkoak, jatorrizkoak eta argitaratugabeak izanen dira. Lanen

luzera ez da mugatuko. Partaide bakoitzak lan bat baino gehiago aurkez dezake. Lanak emateko epea 2003ko martxoaren 29an akituko da. Informazio gehiago, 948 634125 telefonoan.

DONOSTIA. Erein - Euskadiko Kutxa Narratiba Saria.

Euskarazko lanak, orijinalak eta inon sarituak. Gaia libre da. Lanek, gutxienez, 100 orrialdeko luzera izanen dute. Lanak *Erein, Tolosa etorbidea, 107. 20018 Donostia* helbidera bidali behar dira urtea bukatu baino lehen. Saria: 12.000 euro.

HERNANI. Emakumeek Hernaniko historiari egindako ekarpena ikertzeko beka. Saria: 6.000 euro. Proiektuak aurkezteko azken eguna: abenduaren 20a.

Aukeraturiko proiektua 2003ko otsaila eta azaroa bitartean landu beharko du beka irabazten duenak. Oinarriak eta informazioa, 943-557854 telefonoan.

Berdintasun Kontseilurako logotipo lehiaketa. Saria: 600 euro. Lanak aurkezteko azken eguna: 2003ko urtarilaren 10a. Oinarriak eta informazioa, 943-557854 telefonoan.

2003ko inauteriak iragartzeko kartel lehiaketa. Hernaniar guztiek har dezakete parte. Jatorrizko lanek 38x44 cm.ko neurria izanen dute. Koloretan izan behar dute. Kartelean ezinbestean agertuko da «Hernaniko Inauteriak 2003» testua. Saria: 300 euro. Lanak urtarilaren 17a baino lehen eman behar dira kultur etxean.

TOLOSA. Antonio Maria Labaien narrazio lehiaketa.

Euskarazko lanak, orijinalak eta inon sarituak. Gaia libre da, baina formaz nahiz edukiz, 14-18 urte bitarteko gazteendako egokia izan behar du. Lanek, gutxienez, 30 orriko luzera izanen dute. Lanak Aranburu liburutegian eman behar dira (Santa Maria plaza, 4. 20400 Tolosa) urtarilaren 19a baino lehen.

ZARAUZ. XXI. Xabier Lizardi haur ipuin lehiaketa. Lanak euskarazkoak izanen dira, originalak, argitaratugabeak eta beste inon saritugabeak. Gaia libre da. Partehartzaileek lan bat baino gehiago aurkeztu ahal dute. Saria: 2.400 euro. Lanak urtarilaren 13a baino lehen eman behar dira Euskara Zerbitzuan (Zigordia, 13. 2. solairua, 20800 Zarautz). Informazio gehiago, 943-130960 telefonoan.